

興城縣志

王恩士題

地 4 1 3.49
4 2
1

410.79

42

124




年 月

中華民國十六年八月

興城縣志

恩壽題

興城縣志序



出山海關越綏中有大邑曰寧遠在明爲衛在清爲州即隋唐之柳城
瑞州金之興城也今仍復舊名爲興城縣縣治扼山海關口當要塞之
衝故歷史古蹟則以唐初明末爲較著其人物於唐則有李光弼於明
清之際則有祖大壽其形勢實爲兵家必爭之地近年兩次戰事興城
實可左右時局况以東三省保境安民而論尤足當封函谷之丸泥故
其志乘又爲全省過去未來利害所繫詎非所謂當務之急者歟寧遠
舊有州志曾見稱引於盛京通志中顧代遠年湮簡策早佚故老遺聞
罕有親見之者以時揆之殆在有清入關以後全盛之代然其內容如
何已無從深考良可惜已頃邑令以新編縣志呈送謂已從事三年今

興城縣志序

興城華昌印刷局印

適告竣乃請序於予予尙未暇細閱特嘉其著手之先成書之速而其
事又信爲保境安民者之所宜考鏡可知即此區區簡篇動關民生國
計動關史籍夫豈一鄉一邑之掌故已哉因弁數語還之俾速印行以
供一時之需要云爾是爲序

民國十五年九月代理奉天省長莫德惠撰並書

興城縣志序

邑乘猶國史也國不能無史無史則國家治亂之本源疆域制置之沿革與夫人民戶口之盛衰文化物產之消長胥泯然罔所考覈則將何以立國耶邑乘亦猶是耳蓋集鄉鎮而成邑集邑而成省集省而成國邑固國之一部分也其間人民之衆事物之繁雖不及於國而所謂政治土地人民文化物產諸端固無不備具於一邑之中然則邑乘又烏可渺乎自共和紀元變更國體因之政治制置等事尤日新月異經緯萬端其賴有志乘以紀載者識時士夫僉視爲急要之舉徒以東省地鄰邊徼創始維艱除省有通志外各縣志乘多付缺如不能無憾蓋予權選瀋道尹篆者已四載於茲屬邑之中惟海城縣志於前歲告成他

興城縣志序

一一
興城華昌印刷局印

無所聞其賡續而起者是爲興城志分十五門爲地理職官民治教育財政司法實業交通人物古蹟禮俗物產宗教慈善藝文各以其類屬之越二年成書條分目晰紀載綦詳其裨益於邑政者正非淺鮮他日者觀風所及觀茲宏文將採而付諸國史以爲文獻之徵也顧不重歟顧不重歟

中華民國十六年一月中瀋遼瀋道尹佟兆元序

興城縣志序文

夫知今而不知古則無所取法觀近而不觀遠則無所借鑑是縣有志書非第爲已往之考鏡更是爲將來之信徵也蓋歷載名山大川古蹟名勝即地理之教科也而疆域險要在焉備述往哲先賢名宦耆舊即歷史之列傳也而嘉言懿行存焉餘如政治之沿革教育之維新禮俗之改良物產之利用亦即文化進展百業修明之權輿也豈可以尋常傳記視之乎勝自民國癸亥冬來守斯土詢諸紳耆本縣曾無縣志之編輯深以爲憾未敢諉卸責任爰於甲子春籌集的款諮訪宿儒延聘邑紳楊君蔭芳爲纂修趙君述楊君蔭芬爲協修各區區長暨各界紳士兼任調查採訪事宜於夏間開館著手編纂兩閱寒暑始克竣事因

興城縣志序

三

興城華昌印刷局印

興城係古州郡年湮代遠稽考頗難兼以事屬創舉毫無標準搜羅不易雖經廣蒐博採仍恐難免或有挂漏之處今幸得觀厥成大體具備倘能於古之謨猷言行知所效法未始非佐政輔治促進文化之一助也深願覽斯編者咸有所觀感焉是爲序

中華民國十五年丙寅八月興城縣知事長白恩麟謹識

興城縣志序

縣奚爲而有志所以寫一邑之事情也猶之個人之傳記國家之歷史也人類生活有繼續之進化性永存性因今知古以舊生新物情所以而有進益一縣爲一國之縮影縣志者即所以將此縣之歷史地理政治教育交通人物古蹟民風等自原始起至今日止記一段落存作憑藉此後始再能由此段落起點更行推演以覘進步以抵無極然則縣志之功亦鉅哉興城古寧遠無論歷史地理咸稱衝要唯縣志闕如洵爲可憾自前任知事恩君錫三立議編輯復經士賡續纂修時歷三年始克竣業比將付梓爰爲之序並敬告興城人士曰各宜淬勵銳意發揚在國爲楷在天爲光本知事有厚望焉王恩士識於飲騷軒時丁卯

興城縣志序

四

興城華昌印刷局印

新秋余年三十有六

編纂經過

黃梨洲富於撰述者也而弗修越郡之志李兆洛究心輿地者也而力却皖江之聘志固不易修而修輿志爲尤難興城昔爲寧遠州自古迄今幾五千年向無志乘民貧地瘠家貯藏書財力不逮錦綏遠甚蔭芳於民國十三年春蔭蒙公推協修嗣以纂修無人擔任遂蒙監修錫三恩公以志事見委自維愚陋無似於虛陵所謂正直有學問曾子固所謂畜道德兼文章均未能髣髴萬一何敢冒昧從事既而念吾興效忠死節之人皆天地清明之氣之所寄而生民至善之性之所發見人之所以可貴者由此褒而志之實與風化攸關茲若以才力不逮之故致使古之人埋沒不彰後雖有命世者出從而求之則年湮代遠傳疑傳

興城縣志

編纂經過

五

興城華昌印刷局印

信文獻無徵此蔭芳所大懼也猶幸猪肝非累安邑遂自妄其僭忘願竭駑鈍開館以來協修一席大費推挽最後始有趙君省三應聘相助爲理胞兄芷山則以調查職務兼充協修初以調查材料自是縣志要素本擬先派專員分區調查嗣以春初行政會議已由八區區長分任其事遂不果行無如八區以職務甚繁不能兼顧又值本年奉直戰事發生索草索夫各區疲於肆應確難臂助此時派員下鄉風聲鶴唳更覺困難外區材料闕如館中多暇祇得草創韻語總綱或就近搜羅城廂古蹟藝文暨名人軼事以避尸位之誚戰事告蒞之翌年始派員下鄉又苦握槩乏才無調查相當學識後由友人推薦三人懼其一切弗諳再館研究再四始各首塗終以文理甚細心思欠細不免挂一漏萬

幸胞兄芷山所調查一三兩區古蹟藝文較詳以致派員抽查或就近
諮詢耆老又費許多光陰手續不料十四年十一月間又有戰事發生
比戶駐兵困於供億人心惶惑不得安居館務因而停頓幾及兼旬幸
戰事告終秩序稍復由是激昂奮發殫精竭神排比經緯論列考證都
爲十五卷雖文章法度有愧前修然執轂將順軒輊任情之弊則固有
可以自信者自憐形神憔悴誠不免汗青頭白之歎然若非監修恩公
之始終專任使之沆瀣一氣又烏能密勿卒業方今滄海橫流萑苻徧
野蔭芳於古人所謂經世之學未嘗學問曾不能絲毫補救於斯世觀
監修恩公之汲汲於志將以之移風易俗胥納民於四維三物之中其
使予滋愧也是爲序

民國十五年六月纂修楊蔭芳識

興城縣志

凡例

一修志有三難歷代禮房卷宗蕩焉無存一難地近邊徼私家著述闕如二難老師宿儒強半物故三難值此人往風微之日而欲搜括古人之嘉言懿行殊非易易此次勉爲其難自應認真調查廣爲詢訪集思廣益寬以歲時庶幾聞見日富藉免掛漏舛錯

一志書以提高文化刷新政治改良風俗振興實業爲主而尤注重於民德民智民食諸大端凡有古代名人提倡民德溝通民智獎進實業者無不極力表揚而於介紹東西洋新理想新智識新學說新機器之輸入者尤極致欽佩以期順應世界潮流而謀最速之進步

興城縣志

凡例

七

興城華昌印刷局印

一志書與史例不同史則善惡悉錄以示褒貶志則第闡善而不誅惡類似有褒而無貶然其所不書是亦貶之之例也蓋史載一國之事人既情誼不屬儘可據實直書無所迴避若志則同居里閭非戚鄰即親串貶之既有所不可褒之又鄰於曲筆始知志例之創具見苦心

一寧遠舊無州志惟盛京通志祠祀一門金公祠注云按甯遠舊志姓氏無考又本邑重建新安寺碑記撰於清嘉慶十四年開首第二句即揭乘志所書四字據此似通志未修以前寧遠已有舊志無疑乃求之官署民間均不可得即老師宿儒其腦海中亦並未印入片影隻字故直謂之無志亦可至鄉土志係撰於郭君脈坡（事在清光

緒三十二年趙前州刺佩光任內）既未正式開館時間又復短促其不詳固無足怪茲志之輯實創舉也

一志書對於行政司法教育警察保甲苗圃電話屠宰暨地方公款各機關以統計各項事實數目按其現在之狀況以覘進步之程度爲宗旨對於實業（農工商漁業林業鹽務鑛務）以統計各項事實數目按其目前之成績以覘其發達之遲速爲宗旨而於前代偉人之古蹟全縣境內之名勝亦無不廣爲搜羅繁徵博引以期誘起後進仰止與保存之興味

一地理之載古今沿革不同即以興城縣境而論自古名稱難更僕數故事有必須吸收者如三城兵變廣寧即今之縣境是也事有不應

興城縣志 凡例

八

興城華昌印刷局印

闡入者如集寧縣係慕容銑所置地在今綏中縣前屯衛城其故事即不便搜羅是也惟鄉賢祠中所列畢恭楊照楊維藩宮守禮諸賢俱載廣甯前屯衛人現雖劃入綏中縣界然初本一州况血食有年爲維持風化計似未便遽爲廢祀

一職官之設所以爲民清季變法新政孔繁民國更始機關益夥肩其任者果能潔已奉公存心愛物則人民之受賜必多故既詳其沿革年月名稱復援例循序書其姓氏於冊以俟異日諸生之清議亦涑水諫院題名之微惜也

一交通便利不惟軍機神速便於敵愾弭盜即農商旅行受益良多而隩區名流碩彥輸入文明所關尤鉅茲編則既詳海陸兼及車舟脈

絡井然有疏無壅於以見進步之甚速焉

一古蹟固貴信而有徵尤貴足資觀感脫使微生高之抱柱猶存買臣妻之羞塚尙在卽流連風景憑弔斜陽亦復有何意味茲編於存有遺愛之名宦暨捍衛種族之偉人尤爲特別注意並擬擇尤攝影以志欽遲他如忠烈捐軀之地淑媛旌節之坊墮淚有碑完貞無玷導揚徽徽翼教攸關下至地占林泉天然名勝鉅人長德往往留題亦無不載入簡編供人探討亦爲其可以擴情紀事耐人玩味也

一風俗美惡確與政治有關本邑清初舊俗素稱淳樸自汽車入境京奉往來朝發夕至飲食服飾踵事增華而男女平權之說旣不免悞解夫婦離婚之舉又漸欲試行未獲其益先受其害可勝浩歎茲編

興城縣志

凡例

九

興城華昌印刷局印

婚娶喪祭以及一切歲事無不周諮鄉老延訪紳耆靳在徵實絕無

臆說未附矯正土語批評風俗良惡二則亦近日修志之新例也

一龍門修史食貨殖詳貨殖列傳班固譏其崇利羞貧原非定論况出產旣爲富源原料尤關製造欲求實業發達自應先從調查物產入手居今日而研究救貧之術非改良種植不爲功

一釋道流傳由來已久耶教初入中國人民不免猜疑今則民教相安畛域悉化信教自由且明定憲法考其異同淵源具在固所謂並行不悖者也茲編沿流溯源一一闡明其宗旨以俟夫留心教務者資考鏡焉

一志書對於人物以褒錄旣往策勵將來使人觀感興起胥納於道德

範圍爲宗旨除盛京通志本邑鄉土志已爲列傳未便輕易原文外其餘所有人物既須分別列欄名實相副又須蓋棺論定以昭公允亦修志之通例也

一闡揚名宦與闡揚鄉賢不同如必待六十年後而始論定殊覺無謂曠時不足以資觀感茲所闡揚則以去任後爲限（但此指本書立傳而言至他人藝文不在此例）其理由所以誌去思即所以殷望歲緬懷遺愛蟻慕良深

一貞女烈婦節婦其已經物故而得旌揚者固爲列入其有年例已符未奉旌揚而其人尙在生存中者苟事經核實亦必爲之表彰以資風勸茲志所錄先盛京通志次本邑節孝祠次及此次所調查諸人

興城縣志

凡例

十

興城華昌印刷局印

循天然之順序也

一人物之見於選舉門者京秩以曾經在京供職者爲限外官文職州縣以上武職都守以上（陸軍營長同）以曾經補署及到省者爲限教佐以曾經補署者爲限巡典雜職以曾歷實缺者爲限虛銜恕不登錄楊光第傳（按此稿因纂修避席由協修趙述代纂理合聲明）

一人物之見於教育成績門者以高級中學以上畢業者爲限

一選舉一門前清各志皆以五貢爲限茲因本邑人文弗盛科舉早停故雖廩增附亦爲列入因清之附生即古之秀茂列入選舉自非無

據

一 人物之見於工藝門慈善門者雖其人尙在生存中亦爲列入以
一 則獎勵實業一則嘉尙義舉藉茲風勵薄俗不得不爾

一 藝文一門沿昭明文選例則一切生存人不錄沿錦縣志略例則本
邑生存人不錄茲編沿海城縣志例雖本邑生存人亦錄有理由其
二 第一本邑文風不盛如並生存人藝文而概從舍旃則遺編無幾
反不足以發揚國華第二如現在不錄恐再經三四十年則詩歌一
種將至無人索解故不獲已而沿用海城志例識者諒之

一 藝文一門有文以人重者有人以文重者自應分門別類按其年代
次第錄入其有道彌藝禠之士發揮臺閣之文足以撥斲治本絕幅
道義者則更宜敬謹列入佩作韋弦奉爲隱括

興城縣志

凡例

十一

興城華昌印刷局印

一 此次修志年代既遠對於調查本邑人物異常困難或陳述鋪張真
曆莫辦或尊親爲諱傳聞異詞在秉筆者錄善原貴從長而聽言烏
能盡信欲求真相煞費精神閱者神而明之以意逆志焉斯可矣

一 茲爲舟車途次不便檢查計謹附輯縣志音義一册以餉閱者幸勿
謂開卷皆目所常見初無罕觀異聞如古人之譏評册府元龜也

一 志尙淹雅尤貴翔實以郭造卿之搜羅天下書志略備尙十年而成
燕史期在精詳斷難促迫是編之輯限於經費參考無書歷時二稔
中更兩次戰事風雲倏擾不免拋荒館務雖於古人所謂五累四忌
頗知盡力研究至能否完備無疵殊覺難於自信闡幽糾繆應俟將
來

一本編畧刻氣候面積三項因輯者知昏菽麥故特浼理化專家代爲
測量事關學識未便掠美理合聲明

一是編之輯兩易寒暑所云參考無事係指二十四史方輿紀要滿洲
地誌李氏五種而言並非純屬杜撰茲僅將所用參考書目列下以
備考證之用（國朝龍興聖武記）（綱鑑易知錄）（廿一史約編）
（皇朝經世文編）（子史菁華）（嚴註老子）（心理學江蘇師
範學校用本）（節本原富）（事類統編）（國朝名人書札）
（天演論）（龍文鞭影）（閱微草堂筆記五種）（日本統計
釋例）（倉小山房尺牘）（青年進步）（小學集註）（盛京
通志）（瀋陽縣志）（錦縣志略）（海陽縣志）（復縣志略）
興城縣志 凡例 十一 興城華昌印刷局印

（清朝全史）（御批通鑑輯覽）（中華字典）（辭源）（共
計二十六種）

興城縣志

監修

興城縣知事 恩麟

興城縣知事 王恩士

纂修

監生 楊蔭芳

協修

監生 趙述

附生 楊蔭芬

氣候面積測量員

興城縣志

姓氏

十二

興城華昌印刷局印

奉天省立第四師範學校畢業 魏祥

校定

縣立初級中學國文教員附生 張麟

分校

奉天警察廳秘書附貢生 李樹聲

奉天省議會議員國立北京大學畢業法學士 趙雨時

採訪

縣公署科長 侯執中

教育公所所長 趙鶴年

地方公款處主任 潘玉琦

教育會會長兼縣立第三小學校校長 楊蔭棠

苗圃事務所主任 劉德堃

縣立初級中學校校長 劉冠鵬

前電話局局長 張文友

電話局局長 張秉乾

教育公所事務員 王慶文

歲貢 劉會昌

附生 趙希復

附生 姚世唐

第一區區長 王毓麟

興城縣志

姓氏

十三

興城華昌印刷局印

第三區區長 王維周

第四區區長 李尙卿

第七區區長 潘寶文

協修兼縣志調查員附生 楊蔭芬

縣志調查員 劉琨

縣志調查員 于溢亭

城廂繪圖員

縣立第一小學校教員 夏鳳鳴



監修興城縣知事恩君麟